


Broj: 04-32.7-85-6/17
Datum: 24.04.2017.godine

**Bosna i Hercegovina
FEDERACIJA BOSNE I HERCEGOVINE
GRAD MOSTAR
N/r Gradonačelnika**



Predmet: Obavijest o provođenju Pilot Ankete o prihodima i uslovima života u BiH 2017 (SILC)

Poštovani,

Prema Zakonu o statistici u Federaciji Bosne i Hercegovine („Službene novine Federacije BiH“, br. 63/03 i 9/09) i u skladu sa Planom provođenja statističkih istraživanja od interesa za Federaciju BiH za 2017. godinu („Službene novine Federacije BiH“ br. 8/17), Federalni zavod za statistiku će provesti drugu Pilot Anketu o prihodima i uslovima života 2017 na području Federacije BiH. Prvo Pilot istraživanje je provedeno 2015. godine.

Anketa o prihodima i uslovima života u BiH je statističko istraživanje kojim se od slučajno izabranih domaćinstava/kućanstava prikupljaju podaci o prihodima, siromaštvu, socijalnoj isključenosti, materijalnoj deprivaciji, socio-ekonomskim karakteristikama pojedinaca i uslovima života. Prikupljeni podaci će se koristiti za dobivanje glavnih socijalnih indikatora na nivou Bosne i Hercegovine i entiteta, kao i za pripremu redovnog SILC istraživanja.

Osnovna svrha ovog pilot istraživanja je testiranje aplikacije, upitnika i analiza promjena socioekonomskih kategorija u domaćinstvima u periodu od 2015. do 2017. godine (kao što su npr. ekonomska aktivnost osoba nakon završetka školovanja i ulaska na tržište rada ili promjene u razini dohotka i siromaštva osoba i domaćinstava).

Provođenje ovog pilot istraživanja će značajno doprinijeti razvoju statističkog sistema/sustava u Bosni i Hercegovini sukladno sa europskim i međunarodnim standardima.

Individualni podaci prikupljeni Pilot Anketom o prihodima i uslovima života u BiH su službena tajna, koristiće se isključivo u statističke svrhe i biće objavljeni samo kao zbirni podaci. Tajnost prikupljenih podataka je zagarantovana Zakonom o zaštiti ličnih podataka („Službeni glasnik Bosne i Hercegovine“, br. 49/06, 76/11 i 89/11), kao i Zakonom o statistici u Federaciji BiH („Službene novine Federacije BiH“, br. 63/03 i 9/09).

Anketa se provodi u Bosni i Hercegovini u periodu od 12. do 31. maja 2017. godine.

U Federaciji BiH će u 12 općina biti anketirano 224 domaćinstvo/kućanstvo izabrano u uzorak metodom slučajnog odabira. Od toga u Gradu Mostaru će biti anketirano 21 domaćinstvo/kućanstvo.

Ukoliko budete imali bilo kakvih pitanja u pogledu ove ankete, možete se obratiti osobama zaduženim za provođenje ovog istraživanja u Federalnom zavodu za statistiku na tel.

033 40 70 36.

S poštovanjem,

